

**ANUNCIO****SELECCION ALUMNOS-TRABALLADORES OBRADOIRO DE EMPREGO****Núm. POSTOS:**

-8 alumnos/as traballadores/as na especialidade formativa **IMST0109 Producción fotográfica. Certificado de profesionalidade. Nivel 3**

-8 alumnos/as traballadores/as na especialidade formativa **ADGG0508 Operacións de gravación e tratamento de datos e documentos. Certificado de profesionalidade nivel 1**

**Características**

- Relación xurídica das persoas traballadoras participantes coa entidade promotora do obradoiro de emprego.

Durante a súa incorporación ao obradoiro de emprego as persoas alumnas seleccionadas estarán vinculadas á entidade promotora mediante a **modalidade de contrato para a formación e aprendizaxe**.

Os contratos de traballo **terán carácter temporal, cunha duración de doce meses e serán a xornada completa**.

Os lugares de traballo estarán ubicados en instalacións do Concello de Ribadeo e do Concello de Barreiros.

Os desprazamentos aos mesmos serán por conta do alumno - traballador en función de onde se desenvolva o módulo.

- **Persoas beneficiarias participantes**

Poderán ser persoas beneficiarias participantes deste programa aquelas persoas mozas de dezaioito ou máis anos que non superen a idade máxima que establece a normativa vixente no momento da selección do alumnado, neste caso 30 anos, **inscritas e en situación de beneficiarias no Fichero do Sistema Nacional de Garantía Xuvenil, no ámbito da Comunidade Autónoma de Galicia, de conformidade co disposto no artigo 90.1.a) da Lei 18/2014, do 15 de outubro, de aprobación de medidas urxentes para o crecemento, a competitividade e a eficiencia, modificada polo Real decreto lei 6/2016 do 23 de decembro.**

Para poder participar no proceso selectivo @s aspirantes deberán ser remitidas ao Concello de Ribadeo a través do Servizo Público de Emprego.

- **Requisitos das persoas aspirantes.**



- As persoas participantes no proceso selectivo deberán de cumprir os requisitos esixidos na Lei 18/2014 modificada polo Real decreto lei 6/2016 do 23 de decembro, no momento da selección e con carácter previo a participar nos obradoiros de emprego. Por este motivo, a persoa seleccionada deberá de cumprimentar unha declaración responsable.
- Para poder participar neste programa é imprescindible cumprir os requisitos establecidos na normativa reguladora do contrato para a formación e a aprendizaxe, co obxecto de estar vinculada mediante un contrato de tales características ao proxecto, durante toda a duración do mesmo, de acordo co previsto no artigo 11.2 e na disposición adicional segunda do Real decreto legislativo 2/2015, do 23 de outubro, polo que se aproba o texto refundido da Lei do Estatuto dos traballadores.
- Se a formación que se vai a impartir no proxecto vai dirixida á obtención de certificados de profesionalidade de nivel de cualificación 2 ou 3, as persoas seleccionadas deberán de reunir os requisitos sinalados nos reais decretos que regulan ditos certificados de profesionalidade.
- Non padecer enfermidade ou defecto físico que impida o normal desempeño das funcións que corresponden á ao posto convocado, estando en condicións de incorporarse ao mesmo na data de inicio do proxecto formativo.
- Non ter sido separado, mediante expediente disciplinario, do servizo de calquera das Administracións Públicas, nin ter sido inhabilitado para o exercicio da función pública.
- **Causas de exclusión**
- Ter cursado a especialidade formativa que se programa no obradoiro e para a cal foi seleccionado/a.
- **Oferta de emprego**

A oferta de emprego presentarase na oficina de emprego de Ribadeo, establecéndose como parámetros da sondaxe os seguintes:

#### OFERTA 1

- **Ámbito xeográfico:** Concellos de Ribadeo de Barreiros. No caso de non atoparse persoas candidatas suficientes, a sondaxe ampliarase aos concellos limítrofes (dando prioridade a aqueles concellos que non teñan concedido este ano un obradoiro de emprego). A distribución de persoas solicitadas por concellos será o 70 por cento do total do Concello de Ribadeo e o 30 por cento do Concello de Barreiros, sendo :
  - Concello de Barreiros: 2 persoas
  - Concello de Ribadeo: 6 persoas
- **Especialidade formativa:** IMST0109 Producción fotográfica
- **Número de persoas alumnas traballadoras:** 8



- Ocupacións ou postos de traballo relacionados:
  - 3731.1016 Fotógrafos en xeral
  - 3731.1025 Reporteiros e/ou informadores gráficos
  - 8133.1033 Retocadores fotográficos
- Requisitos: reunir os requisitos sinalados no Real decreto que regula o certificado de profesionalidade e os demais esixidos nestas bases: NIVEL 3.

## OFERTA 2

- Ámbito xeográfico: Concellos de Ribadeo e Barreiros. No caso de non atoparse persoas candidatas suficientes, a sondaxe ampliarase aos concellos limítrofes (dando prioridade a aqueles concellos que non teñan concedido este ano un obradoiro de emprego). ). A distribución de persoas seleccionadas por concellos será o 70 por cento para do Concello de Ribadeo e o 30 para o concello de Barreiros :
  - Concello de Barreiros: 3 persoas
  - Concello de Ribadeo: 5 persoas

Especialidade formativa: ADGG0508 Operacións de gravación e tratamento de datos e documentos

Número de persoas alumnas traballadoras: 8

Ocupacións ou postos de traballo relacionados:

4301.1025 Operadores/as-gravadores/as de datos en ordenador, auxiliar de oficina, auxiliar de arquivo, operador/a documental, auxiliar de dixitalización.

Requisitos: reunir os requisitos sinalados no Real decreto que regula o certificado de profesionalidade e os demais esixidos nestas bases: NIVEL 1.

A oficina de emprego remitirá ao Concello de Ribadeo a relación das persoas candidatas resultado da oferta, na medida do posible, tres por posto.

Se non fose posible gardar as proporcións do 70 por cento de solicitudes para o Concello de Ribadeo e 30 por cento para o Concello de Barreiros, segundo o estipulado mais arriba, pódese aplicar de maneira xeral á oferta global á proporción do 70 e 30 por cento.

Concluída a sondaxe, a oficina de emprego comunicará ás persoas candidatas o lugar, data e hora á que deberán asistir para realizar a presentación da documentación, indicándolles así mesmo que deberán de facelo provistos da documentación, en orixinal ou copia compulsada, que acredite os méritos sinalados nestas bases, así como dunha copia para entregar ao tribunal constituído para realizar a selección.

**A selección da especialidade formativa: IMST0109 Produción fotográfica terá lugar o xoves 3 de setembro de 2020 na Casa do Concello de Ribadeo ás 9:00 horas.**

**A selección da especialidade formativa: ADGG0508 Operacións de gravación e tratamento de datos e documentos terá lugar o 3 de setembro de 2020 na Casa do Concello de Ribadeo ás 12:00 horas.**

- **Proceso de selección**

Na selección terase en conta, en todo caso, criterios como a idade, a experiencia laboral previa, a permanencia no desemprego ou o nivel de cualificación, priorizando aquelas a persoas mozas que non recibisen previamente atención por parte do sistema nacional de garantía xuvenil e aquelas que estean máis próximas a cumprir a idade máxima prevista no dito sistema, todos eles determinados no artigo 105.3 da Lei 8/2014, do 1 de outubro modificada polo Real Decreto Lei 6/2016 do 23 de decembro ademais da orde que regula o programa de formación de emprego de persoas mozas así coma na circular da Consellería de Economía, Emprego e Industria que recolle as instrucións en relación co procedemento de selección persoal directivo, docente e de apoio así como do alumnado – traballador dos programas de emprego para as persoas mozas e obradoiros duais de emprego.

Dado o anterior os obxectivos do programa e o carácter formativo e de inserción laboral o proceso de selección será a través dun baremo de méritos sendo este o sistema máis obxectivo para realizar un proceso de selección destas características.

**Baremo de méritos .**

O alumnado seleccionado para cada especialidade será o que acade maior puntuación no baremo de méritos que se detalla no ANEXO desta convocatoria, por medio do cal serán avaliadas as circunstancias persoais e profesionais das persoas candidatas remitidas pola oficina de emprego, cunha puntuación máxima de 19 puntos.

En caso de empate nas puntuacións finais aplicáranse as normas establecidas polacircular da Dirección Xeral de Orientación e Promoción laboral que recolle as instrucións en relación co procedemento de selección do persoal docente e de apoio así como do alumnado -traballador dos programas de emprego para persoas mozas

De seguir persistindo o empate, resolverase por sorteo ao que poderán asistir as persoas interesadas.

Finalizado o proceso de selección, o tribunal procederá ao establecemento das puntuacións finais das persoas candidatas participantes no procedemento.

A relación das persoas admitidas (facendo constar para cada unha a puntuación total e a/as especialidade/s formativas ás que son adscritos) e excluídas ( sinalando neste último suposto os motivos da exclusión) no proceso selectivo será exposta no taboleiro de anuncios da entidade promotora e na súa páxina web, así como nos taboleiros de anuncios das oficinas de emprego.

Para a valoración dos méritos é requisito indispensable a presentación no momento da selección da documentación, en orixinal ou copia compulsada, que acredite os méritos

sinalados nestas bases, así como dunha copia para entregar ao tribunal constituído para realizar a selección. De non presentar esta documentación, os méritos non serán valorados.

**As persoas que teñan participado nalgún obradoiro de emprego nos últimos 5 anos pasarán directamente ao final da listaxe de persoas candidatas, e poderán ser propostas para a súa contratación como alumnado traballador sempre e cando non se cubran as prazas coas persoas candidatas que non tiveran participado en obradoiros de emprego.**

### **Exercicio de idioma galego. Máximo 1 punto.**

De carácter obrigatorio e non eliminatorio.

Consistirá na tradución directa do castelán ao galego dun texto proposto polo órgano de selección inmediatamente antes de celebrarse o exercicio, nun tempo máximo de 10 minutos, e sen axuda de dicionario.

Este exercicio cualificarase cun máximo de 1 punto. Por cada erro ou falta de ortografía restarase 0,05 puntos.

**\*Quedarán exentos de celebrar este exercicio aqueles aspirantes que aporten antes da súa celebración título oficial de coñecemento do idioma galego Celga 1 ou superior que se valorará con 1 punto.**

- **Listaxe de reserva**

O Tribunal, coa finalidade de suplir as posibles baixas das persoas seleccionadas como alumnas traballadoras, antes de iniciada a actividade do obradoiro, poderá elaborar unha listaxe de reserva que estará integrada polas persoas candidatas que, non sendo seleccionadas, obtiveran as maiores puntuacións.

Esta listaxe de reserva terá vixencia ata o inicio do proxecto formativo.

En caso de esgotarse realizaríase novamente oferta na oficina de emprego de acordo co procedemento anteriormente descrito.

- **Admisión**

As persoas seleccionadas serán admitidas pola entidade promotora, para participar no obradoiro de emprego na condición de alumnos/as traballadores/as sempre e cando cumpran os requisitos destas bases, para o que deberán pasar un recoñecemento médico e ser declarados aptos para o desempeño dos traballos a realizar no obradoiro de emprego.

- **Incidencias e reclamacións**

As incidencias e reclamacións que se poidan suscitar, derivadas dos procesos de selección, presentaranse ante este tribunal no prazo de 2 días naturais, a contar desde o seguinte ao da exposición da relación de persoas candidatas admitidas, excluídas e reservas, e serán resoltas por este, sen que proceda ulterior recurso en vía administrativa.

## **ANEXO: BAREMO DE MÉRITOS**



## BAREMO DE MÉRITOS SELECCIÓN ALUMNADO OBRADOIRO DE EMPREGO “VENCELOS DA MEMORIA”

CRITERIOS			PUNTOS
1	Idade	De 18 a 20 anos	0.5
		De 20 a 22 anos	1
		De 22 a 24 anos	2
		De 24 a 26 anos	3
		Máis de 26 anos	4
2	Experiencia laboral	Ningunha	3
		Ata 12 meses	2
		De 18 a 24 meses	1
		Máis de 24 meses	0
3	Tempo de inscrición como demandante de emprego	Ata 12 meses	1
		De 12 a 18 meses	2
		Máis de 18 meses	3
4	Nivel de cualificación	Estudos primarios, certificado de escolaridade, CB Formación Profesional Certificado de profesionalidade de nivel 1 ou equivalentes	3
		ESO, CM Formación Profesional, Certificado de profesionalidade de nivel 2 ou equivalentes	2
		Bacharelato, CS Formación Profesional, Certificado de profesionalidade nivel 3 ou equivalentes	1
		Titulación universitaria	0
5	Non ter recibido previamente atención por parte do Sistema Nacional de Garantía Xuvenil		1
6	Ter planificado no seu Itinerario Profesional de Inserción (IPI) a súa participación nestes programas con anterioridade á publicación destas bases		1
7	Grao de discapacidade maior ou igual ao 33%		1
8	Mulleres vítimas de violencia de xénero		1
9	Pertenza a colectivos desfavorecidos ou en risco de exclusión social (persoas perceptoras de RISGA, Ingreso Mínimo Vital, ... )		1
10	Familia monoparental con fillos/as a cargo		1
	TOTAL		

### DOCUMENTACION A APORTAR POLAS PERSOAS CANDIDATAS O DÍA DA SELECCIÓN (de non presentarse a documentación, o apartado non será valorado)

Criterio 1.- Copia do DNI

Criterio 2.- Vida laboral ACTUALIZADA

Criterio 3.- Certificado da Oficina de Emprego no que figure o tempo de inscrición como demandante de emprego

Criterio 4.- Declaración xurada (proporcionarase o día da selección)

Criterio 5.- Certificado da Oficina de Emprego de non recibir previamente atención polo sistema

Criterio 6.- Certificado da oficina de emprego de ter planificado no seu itinerario profesional de inserción a súa participación neste programa

Criterio 7.- Copia do certificado de discapacidade

Criterio 8.- Acreditación expedida polos servizos sociais da Administración pública autonómica ou local correspondentes

Criterio 9.- Certificación dos servizos sociais do concello respectivo, ou do servizo correspondente

Criterio 10.- Certificado de familia monoparental, libro de familia, sentenza xudicial, ...



**OUTRAS CUESTIONS.-**

Os/as aspirantes seleccionados/as, unha vez asinado o contrato correspondente, quedarán suxeitos ao réxime de incompatibilidades nos termos establecidos pola Lei 53/1984, de 26 de decembro de Incompatibilidades do persoal ao Servizo das Administracións Públicas e demais lexislación de aplicación.

Ribadeo, 19 de agosto de 2020

**O ALCALDE ACCTAL.**

**PABLO VIZOSO GALDO**

**DOCUMENTO ASINADO ELECTRONICAMENTE Á MARXE**

